

皇

明

史

概

皇明大政記卷之二

臣朱國禎謹輯

洪武元年戊申正月四日乙亥 上祀南郊卽皇帝位
定有天下之號曰大明建元洪武 先期設 昊天
上帝 皇地祇壇位于第一成分東西南向大明夜
明于第二成星辰社稷太歲嶽鎮海瀆山川城隍于
壇內之東西 正月壬申朔免朝賀命禮官書四代
考妣神王 甲戌飭戒百官執事人 元萊陽守將
世家寶納欵 乙亥 上服袞冕登壇各行奠拜禮
讀祝自壬戌以來雨雪晦冥元日雪霽三日省牲陰

<p>雲悉歛日光皎然暨行禮風和氣肅香霧上凝下霏 獨燦中星萬衆歡悅禮成群臣奉 上卽位于郊壇 南呼萬歲者三 駕入城 上率世子暨諸子奉神 主詣太廟追尊四代奉上玉寶玉册 皇高祖考曰 玄皇帝廟號德祖 高祖妣曰玄皇后 皇曾祖考 曰恒皇帝廟號懿祖 曾祖妣曰恒皇后 皇祖考 曰裕皇帝廟號熙祖 祖妣王氏曰裕皇后 皇考 曰淳皇帝廟號仁祖 皇妣陳氏曰淳皇后 仁祖 嘗明坐東檐下 上侍側有道士長髯朱衣象簡直 人持 仁祖曰好個公公八十三當大貴留之不領 而去既出門不見 每廟牲幣祭告 世子先至社 全是果符其數</p>										
---	--	--	--	--	--	--	--	--	--	--

稷壇立石主 上至行禮如宗廟儀畢還 御奉天

殿左相國李善長率文武上賀表畢命左相國奉冊

立 妃馬氏爲皇后 世子標爲皇太子以李善長

徐達爲左右丞相除進爵秩有差 丙子詔告天下

定誥首曰奉天承運

先日上天眷命

追封 皇伯考爲壽

春王 皇兄南昌王 盱眙王 臨淮王從兄而下

十一王配皆夫人 製太廟祭器 楊璟進兵永州

丁丑御奉天殿大宴群臣三品以上皆陞殿餘列

丹墀 戊寅自舊內遷新宮 方國珍入見賜第居

京師 庚辰得美王製傳國之寶

并製圭一

辛巳詔李

善長徐達常遇春兼太子三少餘兼詹事等官 壬

午 上訪得 皇后親族欲授以官 后辭乃止厚

賜金帛 甲申遣周鑄等一百六十四人覈實浙西

田畝 己丑頒大明令于天下 壬辰征南將軍胡

廷美克建寧

廷美即廷瑞
避御字改

己亥諭祭登萊海神

庚子命鄧愈爲征戍將軍取南陽以北州郡 翰林

學士陶安知制誥兼修國史 立大都府斷事官

立善世院以僧慧曇領釋教事 立玄教院以道士

經善悅領道教事 置各處水馬驛站遞運所急遞

鋪 湯和師至延平降其城執陳友定送京并其子

誅之 天下來朝官陛辭 上戒諭之遂爲令 二

月壬寅朔李善長陶安進郊社宗廟議從之 湯和

傳檄至漳州

元達魯花赤迭里述
賓自刎死其城遂降

癸卯詔湯和還

明州造海舟漕運北征軍餉 命廖永忠爲征南將

軍朱亮祖副之由海道取廣東 汀泉等處皆降

丁未以大牢祀孔子于太學仍遣使詣曲阜致祭

戊申 上親祭大社大稷

自是歲以爲常賜羣
臣享胙于奉天殿

李

文忠往福建平小寨未下者 庚戌遣右丞王溥賁

上尊至濟南賜大將軍以下并各衛將士 壬子陶

安議社稷壇不創屋遇風雨于齋宮望祭從之 定

宗廟時享及月朔薦新之禮 詔復衣冠如唐制盡

革胡服胡語 癸丑副將軍克東昌 平章申榮自經 甲寅

楊璟進兵慶遠周文貴遁去遂下其城 乙卯製紅

紫青黃四色戰衣 上退朝御東閣顧朱升等論周

禮六夢 夜大星赤色有光自中台西北行至雲中

沒 征南將軍廖永忠書諭何真 丁巳康茂才往

濟寧濟師北伐丞相李善長祭告江淮河漢 詰責

臺臣 久不進諫也 陸仲亨會征兩廣 製鴛鴦戰襖 表裏

異色以新軍號 樂安俞勝復叛大將軍討平之 勝遁去後獲于北平

中書省議役法 田一項出丁夫一人不及頃者以別田補之名日均工 上

諭暫借民力不急浮泛之役悉罷之 定祭天地宗

廟服袞冕社稷等祭皆通天冠絳紗袍

以五冕禮大煩也

庚午追封姊孝親公主其夫李貞駙馬都尉思親侯

選國子生周琦等十人侍 太子讀書禁中 新

除府州縣官各賜白金十兩布六疋 三月辛未朔

命儒臣修女戒

官聞當嚴述古賢妃事爲法

增修國學齋舍

戶部及行省鑄洪武通寶錢

製凡五等自一錢至五錢

楊璟克

全州常寧武岡以次降 遣官祭 仁祖陵及魯山

淮川之神 大牢祀 三皇 元左丞何真籍所部

郡縣迎降賜詔褒獎 壬午廖永忠自福州趨廣東

近臣請開山東銀場不聽 大將軍送衍聖公孔

希學于京遂由濟寧趨汴梁 榜諭山東

訪取賢才及書任宦

居閑者舉赴京師衆頗疑畏 上聞 命書省給榜安諭不願行者聽之 辛卯彗星出

凡十九日滅 鄧愈取唐州南陽 巳亥命儒臣編

存心錄

上以祭祀國家大事念慮少怠無以交神明乃命編纂郊祀宗廟山川等儀及歷代帝王

祭祀感應解異可爲鑒戒者以進 大將軍至陳橋左君弼竹昌迎

降守將李克葵走河南 四月辛巳朔定桑麻科徵

之額 蘄州獻竹簟以無命却之仍頒四方非朝廷

所需勿進 大將軍自中灣進兵 賜思南宣慰司

山仁智羅綺 丁未祫享 太廟 德祖考妣居中

南向 三祖考妣東西向 皇太子奉迎各廟神主就

太子行禮 諭山東民來朝者 以免租稅來謝恩賜而

太廟祭器舊以金塗銀者悉易以金 肅古孝行及

身所歷艱難戰伐事為圖示子孫 戊申大將軍帥

師自虎牢關進至河南塔兒灣敗其兵降之 元祭

酒孔克堅來朝 行聖公希聖之父也召見慰諭賜宅及馬月給米二十石明日再召

壬子副將軍克嵩州汝州 乙卯徵河南儒士睢明

義等赴京師 廣州擒斬偽叅政邵宗禹進兵取廣

西 丙辰 上諭宦官不得典兵政 丁巳楊璟克

永州 守將鄧祖勝自殺 戊午馮宗異取陝州并下諸山寨

留康茂才守之 置山東行中書省以汪廣洋爲叅

政 翰林院學士陶安爲江西叅政 追封叅軍胡

深爲縉雲郡伯 侍儀范常爲翰林直學士尋兼太

常卿 甲子 駕發京師幸汴梁 舟行有御製黃河說 馮宗

異進下潼關兵至華州李思齊張思道皆遁尋召還

北征 五月庚午朔盜入象山縣居民討平之 昌國縣屬

秀山民得方國珍舊印因聚衆攻破象山縣縣民將

公直王剛甫等欲擊之適知縣孔立自府計事還與

定議駐兵東禪山盜來攻先伏兵以待自迎戰誘入

伏盡擒殺之遣大理卿周禎往勞各賜白金百二十

兩 郭子興守潼關 大將軍書與王保保 指揮

王臻取毛胡蘆山寨 鄧州義兵萬戶府募土人 上

國結因以名之地在夔州

蹕邳州

諭知府李相山東故官願入京者一

丙子遣

李二忻都從大將軍北征

梧州潯貴鬱林等州皆

降

辛巳大將軍自陝州還至河南

癸未流星起

天市垣東北行沒

登封諸山寨復叛討平之 甲

申王保保遣使報大將軍餽馬

使者尚書也先叅政溫某也先送人京師

溫叅政還報

太陰犯填星

庚寅

駕至汴梁改爲開

封府

辛卯副將軍入見

馮宗異同至

置中書行省于

開封叅政楊璟署省事

乙未副將軍辭往河南

丁酉以行省左丞何文輝守河南

六月庚子朔大

將軍自河南入見

定計取元都選精兵爲先鋒水陸並進由鄴趨趙轉臨清而北仍論

元主北奔
不必窮追

上躬祀汴梁諸神遣官祭境內山川

江西叅政黃彬鎮袁州招集諸山寨 癸卯大將軍

辭還河陰進次陳橋 元海南海北道元師皆降

楊璟朱亮祖合攻靖江克之 流星起自紫微至雲

中沒 陳友定舊將金子隆叛陷將樂縣 乙丑賜

北征將士夏衣 以馮宗異爲征虜右副將軍 命

中書稽將士軍功 置刻期百戶所傳報軍情

卽今之塘

報

廖永忠平南寧 命浙江江西二行省蘇州等

九府運糧三百萬石于開封 江西采新州大風雨

蛟出江水暴溢入城深入尺壤居民溺死甚衆

修和州二牖

移邳州知州李和于

和州修之周二百里田皆常稅
貫城之河千餘步舟楫便之

李文忠討金子隆

遣祭故元將察罕帖木兒 七月己巳朔太白犯

井宿 左江土官黃英衍右江岑伯顏等族皆降

壬申 上親晝征進陣圖授大將軍諭進兵 令各

衛糧舟俱赴濟寧 丙子勅諭北方新授守令加給

賞 戊子象州降廣西悉平 辛卯 上將發開封

大將軍入辭

戒以克城之日毋殺擄凡元宗
威皆善待以成伐罪救民之志

康茂

才兵至河北安邑夏縣皆降 丙申 駕發開封馮

宗異留守 丁酉 皇太子攝享太廟 元彬州守

將以城降

京師火

延燒永濟倉

楊州旱災

大將軍

會師東昌分布士馬渡河 南海縣民關敏討賊被

殺贈官立祠

海賊馮簡等作亂敏倡義指賊數百人獻主帥命權是檢賊中之聚徒復處其

鄉敏不支爲賊所屠事聞上以敏未授官而能仗義討賊歿于王事贈兵馬指揮表其鄉曰忠義祀之

儒士李訥請卹筑獨帶刀舍人周宗請立學校

上皆是之 閏七月己亥朔遣使犒北征將士 庚

子大將軍發汴梁徇取河北州縣衛輝守將棄城走

元降將喬僉院叛于濟南討平之 大將軍至彰

德降之 丁未 上至京 己酉大將軍取廣平自

邯鄲次臨清張興祖自東昌華雲龍自樂安以師來

會 徵天下賢才授守令厚賜遣之 庚戌大將軍

遣傅友德開道逼步騎顧時浚開通舟師 詔定軍

禮

親征遣將得祭
奏孰論功行賞

壬子副將軍克德州 以高郵

府爲州 戊午大將軍師至長蘆進及直沽獲海舟

作浮橋濟師並河東西以進元兵皆潰 襄陽山寨

悉平 何真入朝授江西行省叅政 癸亥大將軍

師至河西務進兵通州 乙丑大將軍命衛吏田忠

爲通州判官攝州事 丙寅大將軍入通州是夜元

主率后妃太子開建德門北走 福建叛人金子隆

平 水旱免吳江廣德太平寧國滁和糧稅 八月

己巳朔 詔以金陵爲南京開封爲北京 庚午大

將軍取元都招諭王保保以鎮撫吳勉攝大都路知

府事 甲戌以張正常爲真人去天師舊號 乙亥

漳州府通判王律上疏請修德祈天以忠厚寬大爲

主 上嘉內之 丁丑遣官釋奠于孔子 仲春秋

香遣官祀國學丞相初 定六部官制 先只四部掌

獻學士亞獻祭酒終獻 隸中書省尚書正三品滕毅爲吏部楊思義戶

部錢用壬禮部陳亮兵部周禎刑部單安仁工部各

尚書將作隸工部革司農大理二司 中丞劉基告

還青田 妻 大將軍經理故元都城 巳卯大赦詔

天下 書籍田器等物不得徵稅官逋俱免追 再

定律令 辛巳平元都捷表至京 壬午御殿受賀

改元都爲北平府 徵元故臣入京師 駕發幸

北京 癸未置燕山六衛守北平 停海運于鎮江

多颶風不可行 詔御史大夫湯和爲偏將軍與右副將軍

馮宗異平章楊璟從大將軍西征 免長興安吉秋

糧 戊子大將軍分兵略大同 度北平南城金之舊基

庚寅手詔採張冲所言二事一廷臣各言得失一擢用忠直 壬辰

克裕州泉白寨擒元平章郭雲 獎馭犯右執法

癸巳 駕至北京 故元留守迭里迷失等謀作亂

玉田知縣史璵發之就擒賞璵金帛 温州人董孟

怡等作亂討平之

指揮吳廣率四百人往捕謂其下曰彼衆我寡與敵非計將彼烏合

且多有從違人論之必思效順如其言果就擒廣合肥人嘗受學余闕故為將通儒術後調汀州衛以青

終

放元宮人

黜御史妄言者

言陶安隱過云得之道路

令

乘輿諸物應以金飾者皆代以銅

九月戊戌朔大

將軍改元都安貞門為安定門建德門為德勝門

己亥置大都督分府于北平隸以六衛孫興祖華雲

龍領之

江西行省叅政陶安卒

張興祖下永平

壬子夜太陰犯畢宿

甲寅改各站為驛

牒北

征將士

尋賜戰衣萬領

土官彭萬里為保靖宣慰使

癸

亥下詔求賢尋命文原吉詹同魏觀等分訪

優給

陣亡將士之家 副將軍而下發北平狗下保定中

山真定等處進取澤州絳州潞州 十月戊辰朔

駕發北京 夏主明昇遣使賀平元都 辛未 皇

太子攝享太廟 克澤州楊璟戰于韓店不利 元

兵攻潼關郭子興擊却之 訪求應祀神祇山川帝

王忠烈有功國家及軍民者其實著祀典有司歲時

致祭 丁丑 上至自北京 戊寅以元都平詔天

下 定誣告謀反者反坐 戊子徙北平在城軍民

于汴梁 置京畿都漕司 辛卯以都事汪河爲吏

部侍郎

使橫廓留六年始歸故陞

甲午徵元太史院官十四人

司天監進元主所造水精刻漏命碎之以梁貞

王儀爲太子賓客秦鑑盧德明張昌爲諭德仍諭日

浚後湖及龍灣河定正旦朝賀儀并進皇太后

賀儀十一月戊戌朔將祀南郊告于太廟功業未成

奉配俟南郊竣事恭請告成勅有司遇災異以實聞庚子冬

祀上帝于圜丘禮成還詣太廟告謝御殿行慶

成禮翌日大宴大將軍發北平率薛顯等進取山

西辛丑宴東宮官及儒士于大本堂命作鍾山龍

蟠賦御製時雪賦各賜冠服以孔子五十六代

孫希學襲衍聖公秩二品銀印置官屬奉大焉中

曲阜令世襲并立三氏教授

書照磨蘭以權諭廣西左右兩江縣洞官民遇洞人
潘宗富擄掠以護行兵擊破之兩江平 中書及禮
部定園丘方丘宗廟社稷皆親祭羣祀遣官 大將
軍會副將軍于真定收諸未附山寨 停蘇松嘉湖
四府均工夫 戊午康茂才克河中府 大將軍至
平定州 手書召劉基 甲子定乘輿以下寇服之
制并定寇禮 十二月丁卯朔汪廣洋劉惟敬爲中
書叅政楊憲爲御史中丞 禮部尚書錢用壬賜居
湖州 獲沂州逃將王信 大將軍至太原破擴廓
帖木兒兵克其城 乙巳置登聞鼓于午門外日令

御史監視 大將軍分兵邀賀宗哲于石州 定官

民喪服之制 壬申改宣徽院爲光祿寺大史院爲

司天監 東宮三師以下朝賀答後二拜 定 皇

太子親王士庶婚禮官員親屬冠服之制 辛巳起

復濟南知府崔亮爲禮部尚書 改檀州爲密雲懷

柔二縣 凡州之不隸縣治而改爲縣者六十有五 築壇雞籠山祭前功

臣胡大海等 文臣沒王事者附祭 巳丑頒社稷壇制于天下

壇設城西北左社右稷各方二丈五尺高三尺四寸陛三級祭用春秋二仲月上戊日 普立旗義

廟 孟州復叛 明年正月 符璽郎僕新使高麗 知

府易濟頌詔安南 辛卯以宋晃爲開封府知府

賜書夏主明昇

時使者將還

洪武二年己酉正月丙申朔御殿受賀大宴 皇后受

命婦朝于坤寧宮賜宴 封京都及天下城隍 建

羣神祀享所于南城外

凡載祀典者依期致祭不載者聽民自祭不毀

立

功臣廟于雞籠山 旌節婦鄭氏陶氏 太陰犯井

宿 丁未享 太廟以功臣廖永忠等七人配 定

太歲風雲雷雨諸天神爲一壇以驚蟄秋分日祭嶽

鎮海瀆山川城隍諸地祇爲一壇清明霜降日祭

翰林院官制承旨正三品學士從三品而下爲差

置河間長蘆河東陝西二都轉運鹽司廣東海北二

提舉司各設使領之 分祭天下嶽鎮海瀆之神孔
克堅祀孔子于闕里 免山東北平燕南河東山西
河南等處及畿內糧稅 更定 太廟四時時享以
清明端午中元冬至 爲壇後湖祀馬神 甲寅副
將軍自太原征大同 以卽位詔諭日本安南占城
西洋諸國 焚惑犯房宿 製四代帝后冠服祝告
焚之 故元學士承旨危素等自北平至京授官有
差 庚申勅諭太原諸將定其位次 副將軍師至
大同守將竹真棄城走遂入守之 立慶遠南丹等
處安撫使以夷酋爲之 改中山府爲定州 乙丑

平車韓政攻下蟻尖寨

諸山寨俱攻克降附惟此寨在彰德林慮州西北二十里

元右丞吳庸等據險絕不可登至是降顯督諸衛兵取之時政守順德列營以進庸度不能支出降得士

卒一萬一千餘人

倭掠山東

二月丙寅朔詔修元史

以

明白易曉不尚奇古

丁卯遣官釋奠先師

立沅州等處軍

民長官司

占城入貢

遣官祭武成王

遣使占

城爪哇日本等國皆賜書

乙亥立濠州陵碑

丁

丑上陵名曰英陵

行祭告禮

定侍儀舍人及較尉冠服

戊寅大將軍率諸將發太原取陝西

庚辰故元

右丞也速侵通州平章曹良臣禦之遁去

河南府

同知徐麟陞本府知府

麟新之廣濟人由宣武衛鎮撫三遷至河南府同知時元

太降臣宋玉相與其散卒在河南者謀以是月二日
三鼓集衆叛麟察知之戒掌漏者故延二鼓寢衆不
敢發黎明遣鎮撫胡溥率邏卒往捕與遇于
街巷盡獲之以功陞是職仍賜金帛彩段 遣官

祭馬祖之神 壬午躬享先農耕藉田 增天下神

祇壇于園丘之東方丘之西 凡親祀皆親往省牲

牲遠神壇二百步 乙酉清明享太廟 革各府照

磨檢較 辛卯大將軍至河中作浮橋濟師 壬辰

以詹同爲侍讀學士秦裕伯爲侍制 三月乙未朔

大將軍自蒲州渡河 丙申乂旱祭告 皇考妣

時艱苦具草蔬糲 遣祀三皇以勾芒祝融力牧風

飯于宮中者旬日 后配享 親祭羣祀凡十八壇 學士朱升奉勅撰

齊戒文令百官遵守

定以三日

升尋以老致仕

大將軍

自鹿臺入奉元路

元西臺御史桑哥失里與妻子俱投崖死郎中汪可仰葉死檢校阿

夫不花自經死三原知縣朱春與其妻皆投崖死

張思道等皆遁改爲西

安府夏德閏署府事

發賑戶賜米一百石又命赴孟津倉戶給二石

癸卯

副將軍而下進取鳳翔李思齊奔臨洮

辛卯大將

軍造咸陽橋發西安承制遣楊璟征唐州亂兵

癸

丑置北平廣西二行省

甲寅擢御史臺經歷劉希

魯爲刑部尚書

乙卯大將軍至鳳翔以指揮吳宏

署府事

增築國子學舍

四月乙丑朔還高麗流

人賜其國王王額書

大將軍自鳳翔趨隴州先取

李思齊 上命副將軍還備北平取逆北餘寇 戊

辰置陝西行省改河南分省爲行省 博士孔克仁

授諸子經功臣子弟亦令入學 徵元回回司天臺

官 大將軍自隴州進兵秦州 元海北道廉訪僉

事李文煥乞歸田里許之

給綺帛錢米以舟送至淮安

乙亥編

祖訓錄定封建諸王國邑及官屬之制 秦裕伯知

隴州 賜納哈出及元主書

時納哈出方據遼陽擾邊

大將軍

師至鞏昌降之郭子興鎮守遂征臨洮 免秦隴等

處新附郡縣糧稅 丁丑馮宗異師至臨洮李思齊

降 克蘭州 大將軍至安定州會州 甲申臨洮

捷奏至 諭大將軍取張思道以其兄弟誦 大將

軍師至靖寧州度六盤山抵開城襲元豫王走之

倭掠太倉守將翁德破之陞指揮僉事厚賞祭海神 江

南北諸州縣并澤州各獻瑞麥 五月甲午朔日食

更英陵曰皇陵立衛守之 詔諭吐蕃 丁酉大將軍

師出蕭關下平涼謀取慶陽進次涇州 戊戌端午

享太廟 辛丑張思道走寧夏為王保保所執其弟

良臣以慶陽降 造小玉璽一文曰奉天執中 癸

卯夏至祭皇地祇方丘改望燎為望瘞 乙巳 上幸鍾山

由獨龍岡至淳化門始騎而人 賜西征將士戰襖十一萬 戊申

張良臣復叛 癸丑置福建行省蔡哲爲叅政領之

辛酉詔凡時物太常先薦宗廟然後進御 御史

中丞章溢卒 追封皇外祖考陳公爲楊王 皇外

舅馬公爲徐王妣王氏鄭氏皆三夫人建廟太廟東

上奉安楊王位 皇 后奉安徐王位 六月癸亥朔 賜園子生夏

衣 丙寅功臣廟成定位次 思州土官田弘正襲

職

父仁厚卒來告哀請命 服闋授賜綺帛錢鈔

祭蘭山壓死軍士 大

將軍自涇州率兵趨慶陽 己卯副將軍克開平元

主先北奔薊北悉平 壬午陳日燧來貢詔遣學士

張以寧與簿牛諒封爲安南國王

日燧已卒其弟日燧嗣立來迎詔以

寧等不從日燈請于朝以寧駐安南侯命

乙酉傅友德會兵慶陽 丁

亥造太廟金器成 宋濂爲翰林學士王禕爲侍制

七月三日乙未詔儒士歐陽佑等往北平采故元

事蹟備修元史

以元統至正間事無可據故遺

己亥副將軍還軍

至柳河川疾卒詔平章李文忠領其衆 丙午享太

廟 廣西土官皆命世襲 西蕃寇臨洮擊走之

中書省請徙歸附洞蠻于內地不許 辛卯王保保

遣韓扎兒破原州涇州大將軍命馮宗異臨驛馬關

阨之專攻慶陽 御史謝恕下吏

以欺隱田糧逮捕百餘人多稱寃者

御史文原吉等以聞 上自審實責恕釋其民原吉等被賞

明昇來貢 辛

西馮宗異討韓扎兒走之 八月癸亥朔副將軍喪

至龍江 上親致奠哭之 甲子故元總制賀宗哲

攻鳳翔 金興旺 力禦之 高麗來賀請封 上命李文忠會

攻慶陽適元將脫列攻大同文忠移兵擊敗擒之

丁未遣官釋奠先師 戊辰祭大社大稷 定內侍

諸司官制 朝賀仍用山呼舊制 初 上以三唱山 呼萬歲為太侈改

為贊所曰天輔有德曰海宇咸寧曰聖躬萬壽 至是尚書崔亮等以應聲不齊乞仍舊從之 元

史成 學士朱濂侍制王禕總裁編纂者趙璜朱右貝 璉朱伯清王濂王葵張孟兼高遜志李越李汶

張宜張簡杜寅俞賓殷弼王葵宇常宗嘉定人師事 孟長文長文為金履祥弟子故葵學有端緒文章精

嚴縝密自得為多會稽楊維禎以文雄吳越間葵獨 目為文妖詆之史成以母老乞歸後與高啓同坐魏

觀事誅 朱伯清名謙以字行義為人幼從元侍講
學士黃希學預修元史及大明日曆授翰林編修嘗
尾從鳳陽途中作紀行詩以獻上覽之嘉歎尋和其
詩賜之陞楚府長史居官恭謹自持所著有文集及
理學纂言二卷以
遺致仕後終于家 甲戌書諭大將軍 若克慶陽以
留守回京會 乙亥倭寇淮安鎮撫吳祐擊敗之
葬鄂國公

丙子遣符寶郎侯斯封高麗王額爲國王 天鼓鳴

定大祀先七日誓戒 癸未大將軍克慶陽 良臣父子

俱授井引出斬之誅其黨以都 甲申考定典祀 歲

督僉事陳德守之賀宗哲遁去 祀天神地祇壇爲風雨所賦命考古即壇所爲屋以
藏者得宋元舊制建屋七間遇風雨望祭焉其壽星

于 聖壽日致祭同日祭司中司 定郊祀祭器皆

命司民司祿示與民同受其福也 用磁惟遵用竹 行卿飲讀法之令 賜國子生冬

衣 巳丑大將軍師至原州諸將兵俱會 歲終通

祭五祀于廟門外

四品以上中霽門竈三神
五品以下祀門竈二神

書諭

王保保 減千戶吳朝宗死罪

及賄當死 上山幸
三山門父母伏道左

哀新惟此子死則老無所
依 上制之減論終奏

大將軍遣兵追賀宗哲

渡河
遁去

纂修禮書

召大將軍還

九月二日壬辰

星大如盆有光西南行至天倉沒

丁酉

皇第八

子梓生

定妃達
氏出

故元降將自北平入朝賜冠帶賞

資 太陰犯南斗

立臨洮爲府

辛丑造

御寶

六

日天子行寶天子信寶天子之寶皇帝
行寶皇帝信寶皇帝之寶三白三青

大將軍

發平涼右副將軍馮宗異留總軍事 令地方災異

卽時飛奏

時禮臣崔亮請分外祥瑞大小申奏上答云云

詔以臨濠爲

中都

初上詔諸老臣問以建都之地或言關中險固天府之國或言洛陽天地之中四方朝貢道

理適均汴梁亦宋之舊京或言北平宮室完備就之可省民力上曰所言皆善惟時有不同長安洛陽

汴梁實周秦漢魏唐宋所建國但平定之初民未甦息朕若建都于彼供給力役悉資江南重勞其民若就北平宮室亦須更作力亦未易今建業長江天塹形勢之地真足立國臨濠則前江後淮以險可恃以水可漕朕欲以爲中都何如羣臣皆稱善至是始命有司建置城池宮闕如京師之制

定文

武官見辭謝恩禮

詔府州縣正官三年一考復

歷陽縣爲和州

丙午高麗入謝并賀壽節請祭服

制度製給之

占城入貢

壬子定蕃王蕃使朝貢

禮

癸丑考宮懸樂制訪求能通音律者

甲寅初

製鐵券

乙卯吐蕃寇洮河指揮韋正大破之皆來

降 賜故元平章歐陽朝佐等冠帶衣服選有才藝

者授以官凡二百餘人 廖永忠朱亮祖還自廣西

皇太子幸百官迎
勞麓灣仍送歸第

皇第九子杞生 十月壬戌朔

高麗使者辭歸書諭國王 楊璟至蜀招諭明昇

論之

不聽
一月還

方國珍李思齊食行省左丞祿居京師

庚午勅葬開平王 甲戌甘露降于鍾山羣臣請賀

不許

先七月降

圖徐常二公戰蹟于功臣廟 辛卯令

郡縣皆立學 致書元主 中書省請營後堂止之

設總兵官 十一月壬辰朔大將軍還京 大都

督府都事趙耀爲湖廣叅政 始議以 仁祖配郊

位先三日祭告 乙巳冬至祀 上帝於圓丘奉

仁祖配還御殿行慶成禮享 太廟 丁未遣元子

章長壽等以書諭元丞相也速 戊申月掩太微垣

癸丑宴諸學士應制賦詩 誅逆人王昭明釋其

家屬 真州人爲不軌 上召問詞服 欵曰諸老幼何罪止坐昭明 十二月壬戌

朔 詔諭安南占城罷兵皆聽命 甲子日中有黑

子 改趙耀于北平 討饒州盜平之 封占城阿

答阿者爲國王 右副將軍馮宗異至京 宗異不待 召至上

貢而 育之 考安南高麗山川致祭 上思州蠻寇平

已丑 上御殿大賞平定中原及征南將士之功

歲除享 太廟 王保保襲蘭州鞏昌守將于光來

援戰敗被執死之 詔赦臨洮將士亡匿者 慈利

土酋叛

殺千戶覃友仁左丞周德興討平之

設浙東西及福建都轉

運司 西域僧自中印度來朝

洪武三年庚戌正月辛卯朔朝賀如儀 癸巳徐達爲

征虜大將軍李文忠左副馮勝右副鄧愈左副副湯

和右副副各將軍分二道北征大將軍出西安左副

將軍出居庸 駙馬王克恭爲福建叅政 定文武

官五品以下列丹陛左右不得上殿 甲午戒諭御

史臺各道按察司官

時各道皆來朝

募山東水工萊州海

運餉永平

內外風憲官與屬官依品級行禮

賜

來安知府岑漢忠文綺

人雲南招諭定遠諸郡縣十六且上八事

定工

府官制

定朝日夕月禮

吏部請除被黜官于儋

崖等處不許令良吏撫之

遣使祀安南高麗占城

國內山川仍繪圖以進祀版稱御諱勒石紀事 賜

右丞楊憲名華叅政陳亮名寧

王保保援邊 定

太廟朔望薦新及獻新儀

薦新有定品獻新者謂四方別進新物也

旌

表節婦三人

建駙馬李貞第于西華門

丁未享

太廟

賑西安鳳翔二府饑民

沂邳二州山民作

亂陸聚討平之 二月辛酉朔 上御東閣學士宋

濂侍制王禕進講太學傳十章 立神帛制勅局

始許羣臣親老者歸養 上行後苑見巢鵲那 合祀

天神地祇爲一壇 增四季月將旗憲諸神自太歲以下至四海凡五壇皆親署名

製四方平定巾頒天下 續修元史 召江南富民

人見 戒諭賜酒 令羣臣當午道朝見 天子祭天從午道羣臣朝

謁避之上以事天事君一體左右相 去不得越二尺省府臺官俱從午陞 免倉糧歲

久耗折者 郊祀以天下戶口錢糧藉陳臺下 祭畢

庫其天下山川城池 罷太倉市舶司 贈肇慶經

地理形勝亦圖以藏 歷裴源官二等 以公務至新興縣 丙子朝日東郊

遇山賊不屈而死

丁丑 皇第十子檀生率紀郭氏出 癸未追封郭子

興為滁陽王妻張氏王夫人立廟滁州 指揮金朝

興取東勝州 免運軍飄沒米數 下詔求賢可官

六部者 置留守衛指揮司專守門巡警 李文忠進兵

降興和追擒竹真 參考歷代朝服公服之制 三

月庚寅朔免南直隸河南北平山東糧稅 貞節二

人 丙申給朝臣袍帶 羣臣服色准所授散官

丁酉鄭州知州蘇琦言時宜三事一興北邊屯田一選股肱重臣出鎮

一墾田以實中原 上命泰酌行之 庚子置秘書監 定

鮒馬都尉班次出入在百官本品之上由西門出入 廣西行省上

三事

一南寧州柳州立衛一復設慶遠府一用土兵俱從之

左君弼收所部

軍士千八百人戍廣西獎之 考定諸王冊封禮儀

實制 丁巳故元祭酒孔克堅卒 戊午大將軍師

至定西 旌處州節婦陳氏及其媳梅氏 詔諭日

本 盜劫英山縣討平之 寘啓言司以王文卿原

本爲司令

受四方章奏

四月三日辛酉以封建諸王告

太廟禮成宴羣臣于奉天殿及文華殿 甲子禁蒙

古色目人更易姓氏 乙丑封第二子模秦王三子

桐晉王四子燕王肅吳王楨楚王棖齊王梓澤王杞

趙王檀魯王從孫守謙靖江王頒詔安南高麗諸國

丙寅置太宗正院秩正一品 大將軍破王保保

盡降其衆 初昏月掩太微垣 戊辰大星流自天

市垣北行分爲三至虛宿沒 己巳書與元主 壬

申安南國王陳日燧卒來告哀

上素服見其使遣官祭賻仍封日燧爲王

祭馬援于橫州 庚辰立弘文館以胡鉉爲學士

劉基危素王本中皆兼學士 乙酉大將軍械胡德

濟至京特命宥之 丙戌元主殂于應昌 慈利土

酋覃垕作亂平章楊璟討之

置磨勘司

綜核章奏

五

月己丑朔大將軍分鄧愈招諭吐蕃自將取興元

指揮僉事陳德戰歿于岷州 遣使訪歷代帝王陵

宸定書劄儀式

復置司農司

開于河南

己未冊孫

氏爲貴妃餘五妃各受冊

嚴宮闈之禁

祭告諸

王國山川

舉學識篤行之士

左副將軍進次開

平

元平章上宰
都等皆降

都督孫興祖等出塞戰沒

己亥

詔設科取士

頒其式于安南高麗占城

大軍入沔州

辛丑左

副將軍趙應昌知元主已殂疾進兵癸卯與戰大敗

之明日克其城獲元主嫡孫買的里八剌并后妃官

人諸王省院以下及寶玉送京太子愛猷識里達臘

遁去師過興州及紅羅山又得其餘衆五萬餘人

建齋宮于闐丘之西方丘之東

丁未詔行大射禮

并及各郡縣 戊申夏至祭皇地祇于方丘奉 仁

祖配 考百官內官于 皇太子諸王前稱禮稱殿下自

稱名官官國官稱臣 上 定服色尚赤 大將軍

至興元守將出降留金興旺守之還軍西安 庚子

處士楊維禎卒一日癸丑 右副將軍鄧愈克河州 罷

壽星等祀增祀風雲雷雨天下山川 甲寅定神幣

各色帝后二位舊用一加為二天用蒼地用黃日用赤月用白五徽五鎮四海各隨方色四瀆及諸

水用黑 覃屋誘殺我使切責楊璟益兵討之賊遁

還兵 丙辰免蘇州逋稅三十餘萬石 優卹起兵

將士已死無承襲者之家 書翰納答出 寶雞縣

進瑞麥 六月戊午朔久旱禱雨

上與后妃親執
變為農家食仍蔬

布草履親徒步
次日辛酉發紗絲賜將較給諸軍薪米法司清獄下
詔求儒術及暮雲合
壬戌旦大雷雨霽足

命各神祇去前代封謚直稱

本號惟孔子仍舊忠臣烈士以初封為實號親署祝

文遣官各處祭告 僧克新三人往西域吐蕃仍圖

山川地形以歸 甲子設科儀御史 禁淫祀 定

五等勲爵

追封二皇姊

長太原公主夫王七一為
駙馬次即孝襄公主駙馬

李 詔武官有犯非奏請不得逮問 改司天監為

欽天監 壬申左副將軍捷奏至故元皇孫諸王免

獻俘

元者不許稱賀
元者北方捷至嘗仕

追謚元主曰順帝 冒惠

民藥局 安南來謝 乙亥封故元皇孫買的里八

剌為崇禮侯

以本服見賜冠服其母妃朝皇后亦加之賜宅優給

祭告國丘

太廟 頒平定沙漠詔于天下 再遣使招諭元宗

室部落 賞知事朱友文綺帛各五匹

諫前張溫事

汪

與祖破虜于大同 編修羅復仁主事張福傳詔還

自安南

以却僞見褒

濟南知府陳修及司農司請墾田

從之 詔諭雲南八番西域西洋諸國 普立城隍

廟

其制高廣視官署廳堂

賜嵩縣典史劉某布帛

人覲衣弊以清廉見

賞 右丞相汪廣洋罷居高郵 收宋理宗頂骨葬

紹興陵 故元四大王寇大同擊走之 辛巳聽民

立義塚 移江南民田臨濠免稅三年

從後者四千戶

御

史鄭沂上三事行之

一設京府尹一設各府理刑推官一增驛遞船轉運官物

增廣太學生定其出身資格仍擇文行兼優者充學

官

典簿周循理奏之

改陝西興元府爲漢中府

置親軍

都尉府及儀鸞司

討斬惠安縣亂民陳同綏寧縣

亂民蕭天祐

倭寇浙江福建擊敗之

故元陝西

行省吐蕃宣慰使何鎖南普等來降

七月丁亥朔

續修元史成

定

皇太子以下及羣臣賜坐坐墊

之制

編均工圖冊

每歲農隙人京供役率三十日遣歸田多丁少者個人充之給

費

詔建諸王府于所封之國

壬辰置水軍二十

四衛 午門外建亭立碑刻國家政事可爲定式凡

政令之善者著爲法 宋濂王禕失朝降編修 置

軍儲倉

凡二十所

定功臣守墓墳戶 定期望升殿百

官朝參禮

大星起東北雲中徐行光照地尋散爲

碎星沒

革察言司

賜文武官朝服公服 甲辰

明昇來獻大木

賜吏部尚書吳琳致仕 令民占

藉自首

平章胡廷美招集王保保部曲

元年以前聽爲民二

年後入伍

劉基爲弘文館學士

陶凱爲禮部尚書

蜀將吳友仁寇漢中傅友德來救遁去

左丞楊憲

坐罪誅

以原名題詔

八月丁巳朔遣官釋奠于孔廟在

曲阜者衍聖公致祭

自是歲以為常

己未康茂才卒于陝

州 置信實提舉司

定房舍服飾等第

討平濟

寧盜 京師大雨水賑之

詔諭吐蕃暹羅諸國

戊子改應天知府為府尹

陞知府蔣以樞為之

海商死者免

稅 定諸王府教官職名

陶凱請御膳用樂不許

己卯夕月西郊附祭周天星辰

申禁官民器服

僭用

黃色及繪帝后聖賢故事龍鳳等形

詔諭三佛齊等國

平海

南畝

祭米宗廟四時之祭用孟月并歲除凡五祭

清明等節各時物薦享

定親王從享功臣配享儀

設京畿

漕運司督倉

瘞各處遺骸

是月京師及各省開

鄉試三場 虜寇大鹽池擊敗之 九月丙戌朔皇

從嫂蒙城王夫人田氏薨 有節行爲上所重 戊子京師城

隍廟成 改東岳行祠爲之 免屯軍歲租 免陝西民鹽米

先每畝糧一斗鹽六升 在京山川等神降香致祭者御殿俟

回奏免百官侍班 丙申災或入太薇 青州民孫

古朴作亂襲莒州執殺同知牟魯 魯烏程人勵降不屈賊未敢害撫至

城南鄉宋庄大罵被害事聞厚恤其家尋討賊平之 庚子置王府承奉司

諭禮部別祭周天星辰 太子賓客梁貞歸里 諭

學士魏觀太廟祝文止稱孝子皇帝不稱臣太子行

禮止稱命長子不稱皇太子 授降將江文清楊思

祖等官招其部曲 招諭遼陽等處官民 西洋諸

國來貢 平沂州茶山賊 定朝會宴享樂舞之數

修禮書成賜名大明集禮

創業初禮制未備 詔中書開禮樂二局集耆儒禮迭京師纂修凡吉凶軍賓嘉及冠服車輅儀仗

鹵簿字學樂律爲綱凡儀度名數沿革咸具爲目凡

五十卷書成命名

十月丙辰朔聘儒士令諸將帥于午門

番直說書 入朝官許服雨衣 召大將軍左副將

軍班師 重定內使服式之制 癸亥江夏侯周德

興討土酋覃厘 定品官墳塋之制 圖丘執事官

各賜新衣 立征磬法 丙寅流星爆散有聲數小

星隨之忽大如碗至天倉沒 再致書元太子 作

太廟主纘 十一月七日壬辰大將軍左副將軍還

京 車駕出勞江上奉還宮明日上平胡表御殿朝

賀 丙申大封功臣

公六人侯二十八人

賞蘭州等處守禦

將士

丁酉頒詔天下明日大宴

曹國公領大都

督府傅友德等同知府事指揮王成等僉府事 親

祭戰沒功臣及軍士

庚戌冬至祀園丘

辛亥令

商人輸米北平

覈民數給以戶帖

甲寅夜太白

犯壘壁陣

乙卯封汪廣洋忠勤伯劉基誠意伯

十二月丙辰朔省臣請徙降虜內地不聽

上謂治虜當順其性

諭禁將官虐軍士

戊午宥松江盜錢鶴臯餘黨

改作天地等坊房壇牲房

郊祭牲與羣祀牲混養不足別事天之敬乃改

作加給節中三間養郊祀牲左三間養后土牲右三間養太廟社稷牲餘屋以養山川百神之牲凡大祀

犧牲前一月大駕必躬視

設陝西提舉司理大

小鹽池

在察順牢兒之地

辛酉大明志書成

類編天下道里府州縣之

致書元太子招諭和林諸部故元主子失篤

兒國舅駙馬等來降各賜第宅免私販私鑄人死

罪定武臣世襲之制以學士魏觀為祭酒宋濂

為司業甲子建奉先殿雷州指揮同知張秉彛

上四事

一造戰船二增兵屯三立城寨四給兵食從之

封右丞薛顯為永

城侯居海南

顯有專殺之罪故請仍分祿為三一給被殺吳富一給馬軍一養母妻子

命祭無祀鬼神 定公侯儀從 儒士嚴禮上書言

治道黜之

中言奏事不越中書且請都干抗

祭歷代帝王陵寢

簡京衛軍士 吏部請守令久任從之 戶口食鹽

許以土物代銀米

追捕逃亡軍士

凡四萬七千九百餘人

禁武官縱軍需販 巳卯置王府儀衛司 辛巳陶

甑請選人專任東宮官諭止之 自春及冬日中累

有黑子 詔廷臣極言得失 起居注萬鑑請修德

消災嘉肉之

甲申享

太廟

行家人禮免百官陪享

鑄齊

戒銅人 是歲趙王杞薨

補遺

元年八月 上在開封詔曰頃幸大梁大梁父老皆曰聖人昔居中原道里適均夫宅中圖大則立國之規模重建邦啓土則興王之根本先其以金陵爲南京大梁爲北京朕春秋巡狩焉

二年正月 勅諭太原諸將曰大軍所至如摧枯拉朽上天眷佑可不敬乎唯諸將軍爾功天授爾生天生也孟子曰五百年必有王者興其間必有名世者古人功高如常常功如無若國家賞功常乃常高乃高也近者大夫湯和定浙左平閩中平章楊璟靖湖

湘定廣西班牙師還朝以大將軍等滅胡未還未及賞
故再使和璟從大將軍征進太原之捷互爲犄掇不
亦奇乎璟其居偏將軍和下和其居右副將軍宗異
下宗異其居副將軍遇春下協翦餘虜焉 旌當塗
縣鄭陶二氏貞節鄭孫漆母也陶黎德旺母也復其
家著爲令 上與侍臣論待大臣之禮劉基曰古者
公卿有罪盤水加劔詣請室自我詹同因取大戴禮
及賈誼疏以進且曰古者刑不上大夫所以勵廉恥
全君臣之恩義也 上然之

十月高麗國王顓遣使上表謝封并賀壽節拜歸諭

以書曰使來朕問王政俗城廓甲兵居室言無城有
甲兵不嚴有居室無聽政所王好釋氏民擾於倭去
海濱五十里或三十里始有定居朕雖德薄王已稱
臣入貢合古諸侯事天子之禮夫治亂持危天子所
以保諸侯也王公設險守國王無城廓人民何依國
雖治不可去兵王侍衛不嚴國威何張王無聽政所
何以示嚴民五十里或三十里始有定居則瀕海不
不耕必至艱食君無夷夏唯修仁義禮樂則民化王
所以王莫不由先德王行先王之道則國永長王好
釋氏何能求福修德致福王何不爲國之大事在戎

與祀又聞王國犧牲不育何以供境內山川城隍之
祭今胡運旣終沙塞靡統朕兵未至遠藩或有強暴
生患况倭久來擾不可不禦王欲禦之非雄武之將
猛勇之兵不可遠戰王欲守之非深溝高壘內儲外
援不能爲備圖患未然轉危爲安朕言甚悉王審圖
之

十二月楊璟自使蜀還言明昇闇弱喻之不悞莫若
舉兵取之 上曰兵之所加必貴有名西蜀之地彼
亦安能久據但朕意俟其悔悞來歸則師可不勞民
亦無苦也姑緩之

三年二月召江南富民赴闕上口諭數千言因列而
頒之曰教民榜額謂侍臣曰朕勉之爲善耳王禕曰
古帝王皆兼君師之任三代而下知爲治不知爲教
陛下治教並行與古比隆處士張翼卒

四月 詔曰蒙古諸色人等朕皆許之入仕比聞多
更姓易名以就中國朕慮其子孫久而昧厥初非古
聖王審本始別婚姻之意中書省告諭之已更者皆
聽改

五月諭中書省曰今人書劄多稱頓首再拜百拜殊
不實禮小人取名字徃徃犯先聖賢或稱號禮部定

書式示四方所犯名字禁之 嚴宮闈之政 皇后
之尊止得治官中嬪婦之事卽官門外毫髮事不預
自后妃以下衣食百物之供皆尚宮奏之而後發內
使監官覆奏方得赴所部開領違者皆坐死或以私
書出外罪如之官嬪以下有病醫者不得入宮以證
取藥群臣命婦於慶節朔望朝見 中宮無故不得
入人主無有見外命婦之禮 天子及親王后妃官
嬪等必慎選良家子女而聘焉勿受獻進恐其夤緣
爲奸不利于國至外臣謁寺觀燒香禳告星斗之類
其禁尤嚴 戶部奏蘇州通負三十萬餘請諭守臣

罪 上曰蘇州初附軍府之用多賴之今二年不償
民困可知若逮其官必責之於民民畏刑罰必傾貲
以輸官欲其生遂不可得矣其悉免之

十一月 上旣大封功論諸將曰古帝王爵賞酬功
刑罰懲惡故上下相安以致治平漢高帝非功不侯
終不免誅侯君集有功犯法唐太宗欲宥之執法不
可非二君之忘臣勞其臣自冒之也薛顯自盱眙來
歸從朕征討皆著奇跡破慶陽追擴廓帖木兒戰賀
宗哲勇力意氣朕甚嘉焉惟其剛忍屢戒不悛至妄
殺胥吏殺獸醫殺火者殺馬軍殺天長千戶吳富掠

其財富少從朕有功其妻子衰經途次牽衣哭罵訴
冤於朕朕欲刑之人將謂天下初定卽殺將帥今仍
封侯謫居海南三分顯祿一以養其父母妻子一贍
富家一贍所殺馬軍家庶功過不相掩國法無廢卿
等皆宜戒顯所爲

皇明大政記卷之三

臣朱國禎謹輯

洪武四年辛亥正月乙酉朔太師李善長致仕陞右丞

汪廣洋爲右丞相胡惟庸爲右丞 丁亥 親祀上

下神祇告伐明昇 中山侯湯和爲征西將軍李諸

將由瞿塘超重慶傳友德爲征虜前將軍由秦隴超

成都 魏公徃北平 宋公馮國勝徃陝西 衛公

鄧愈徃襄陽各練兵陝西襄陽仍給餉征蜀諸軍

吏部月理貼貢 定親王宮殿制度 定祭服

天地宗廟

日月用冕服餘則皮弁羣臣品服梁冠

製大本堂玉圖書記賜 皇

太子 建園丘日月社稷山川壇及 太廟于臨濠

二皇姪女仍稱公主

夫王克恭黃
球仍稱駙馬

河南知府徐

麟以母老居廝請終養卽改爲廝州知府便之 復

孔氏子孫二十六戶徭役 定王國宗廟社稷壇壝

之制 丁酉享太廟始行灌禮 置玉圖記二一日

廣運之記一賜中官曰厚載之記 立內城門禁之

法 巳亥中書省上天下府州縣官之數

府州縣凡
一千一百

十九官五千四
百八十八員

御史臺進擬憲綱四十條 上親

刪定刊行 賜故元臣禿魯書 諭中書製綿衣襖

賜蔚朔寧夏等處將士 改建外皇祖考楊王廟于

貽肝外舅徐王廟于宿州

皆墓所

定內臣散官

修

治廣西興安縣靈渠三十六陡

中書省奏宦官月

俸

上以此輩衣食于內先給廩米九斗但增爲一石俸端不可開

令設科連試三

年自後三年一舉

雨水冰

定文武官歲祿

二

月乙卯朔給大同糧餉修城垣

學士張以寧等還

自安南其王陳日烺表謝以寧卒于道

戊午太白

晝見

詔太常司祭配享之位不用祝文不別奏樂

改鑄小錢

奉先殿成每日朝脯

上及

皇太

子諸王二朝

皇后率妃嬪日進膳月薦新

設各

都指揮使司斷事

定中鹽則例

增中都所隸州

縣 甲戌 上加臨濠 壬午還京 京師火 故

元遼陽平章劉益奉地圖來降置遼陽衛以益爲指

揮同知賜勅 三月乙酉朔策貢士俞友仁一百二

十人于奉天殿知貢舉禮部尚書陶凱前侍講學士

潘廷堅 賜吳伯宗郭州吳公達等及第出身同出

身有差賜伯宗朝服冠帶授禮部員外郎

高麗人試者三人惟

全濟登第授縣丞林寅然伯儒不通華言請歸厚給遣之 改築園丘方丘壇

賜諸功臣臨濠山地 罷司農司 高麗帶物出境

勿禁 壬寅 皇第十一子椿生

惠妃郭氏出

欽天監

官久任 留山東西鹽課易粟給大同軍 定命婦

封號 安輯山後民戶 丁未定武官襲職例有茂

無次則長子又無則弟任 又無則妻女家屬月給以俸 定有司三年稱職者

給誥 定祭歷代帝王陵寢三十五凡部縣以醫藥

為藝貢非崇 中書省奏舉百官起居之禮及進膳事之體皆罷

用樂勿許 元降將謀叛太原指揮葉桂捕斬之

閏三月甲寅朔置羣牧監于答答失里管 賜功臣

守墳人戶 收故元山東北平舊軍十萬九千餘戶

每三戶出一軍隸北平諸衛 定欽天監官品秩

是月楊璟攻瞿塘不利 賜吳興民王升手詔銀絹

復其家子軫舉人為平涼知縣 四月定七品以下

貽書教以盡職讀書

官員資級 傅友德攻蜀階州克之進克文州

汪與祖戰

死

湯和克歸州諸山寨 巳丑定王府官制

朱

亮祖濟師伐蜀

廣德侯華高卒于廣東

學士致

仕羅復仁卒

庚子召陝西儒士趙晉浙江儒士張

羽

晉字孟陽入見所言合

上意賜衣授泰府說書

以老致仕賜緡錢及物羽字來儀應對不稱

古

歸

傅友德克隆州綿州

五色雲屢見

徵天下

儒士隱逸及下第者俱給廩傳至京

冊開平王女

爲 皇太子妃

太白數畫見

辛卯定

太廟合

祭功臣配饗

江陰侯吳良討靖州叛蠻平之

立

祠祀元御史大夫福壽

五月乙卯免江西秋糧

造用寶金牌及軍中調發符牌

用錢長五寸闊半之上級二飛龍下級二

麒麟首為圓

寂貫紅絲絛以李守道詹同為吏部尚書

凡吏

人服色用皂

鑄運使銅版印目

禁諸司濫設貼

書

立大社壇于中都

取四方土築之

故元平章洪保保

叛殺指揮同知劉益

定宮中妃主常服及命婦朝

服常服之制

免兩浙秋糧

日中黑子起壬子至

辛巳始滅

六月壬午朔傳友德拔漢州

浦城新

軍作亂殺阮德柔尋討平之

德柔浦城人來降授官請收放部曲為兵從之

令嚴急新軍百戶李清率眾殺德柔為亂建

丙戌

促湯和進兵

辛卯

永忠破瞿塘入夔州與湯和

並趨重慶 偽夏平章丁世貞陷文州守將朱顯忠

死之 故元遼東右丞張良佐左丞房嵩貢馬并送

逆黨授事 傅友德攻成都 癸卯湯

和至重慶明昇出降 定武臣金銀牌制 上自為

文銀曰上天祐民朕乃率撫威加華夷實馮虎臣錫

爾金符永傳後嗣

字皆陽文

吏部尚書詹同陶凱進宴

享九奏樂章 山後民內徙者給糧入藉

凡三萬五千八百戶

一十九萬七千餘人

賜故元臣驢兒書

倭寇膠州

書諭

納答出 七月辛卯朔存心錄成

事神祇肅

命馬雲葉

旺為都指揮使鎮遼東

大將軍自北平往山西練

兵 庚申成都降

有韓貞文

辛酉太陰入南斗魁中

曹公按行四川

諭中書祥瑞勿以聞災異匿者罪

之 乙丑封明昇歸義侯免其叩頭伏罪賜冠帶居

第 丁卯中書省奏科舉定制

惟吏部不許應試

華雲龍

至雲州襲執故元平章僧家奴 太常寺祭馬祖之

神

有神馬曰飛越峯

中書省移咨占城

安南侵擾占城其王來告乃移咨并

諭安南

蜀將丁世貞為其下所殺

攻秦州五十日援至而遁走被

殺富貴

上曰殺

八月改製用寶金牌

軍機文書自都督府

本官非義不許

中書省長官外不許擅奏有詔謁軍中書省會都督府同覆奏然後各出所藏金牌入請用寶如督府先

奉旨亦如之有不

皇第十二子栢生

順妃胡氏出

行約會以姦臣論

乙酉夜天鳴

徙應天治于江浦

釋知縣林弼卽

陞考功郎中

癸巳泮泥國入貢

大發銀于西北

邊易米給軍

降祭酒魏觀司業宋濂爲知縣

以考正孔

子祀典稽疑濂上孔廟議言設像從祀廟制見服祭器等項皆未合古制忤上意

克保寧

執吳友仁蜀地悉平

關中饑賑之

贛州山寇高

州海寇作亂討平之

諭雲南諸蠻

召還劉基

九月庚戌朔日食

乙卯災惑犯壁壘

丙辰冊故

元太傅王保保女弟爲秦王妃

分遣御史覈實鹽

課倉庫虛實之數

三佛齊國入貢

禁征海外諸

夷

呂宗俊還自暹羅其國王遣使隨入朝貢

定

齋戒期自五日至一日有差 以州縣征稅侵漁令

戶部料多田者為糧長督其鄉賦以萬石為率 改

虎牢關為古殺關 鄆縣民易文通作亂討平之

十月庚辰朔有星起自五平分為二至四輔沒 日

本國王良懷遣使朝貢

同知趙秩先至其國說之乃入貢

定未入

流寇服

丙寅征蜀諸將還京

誅蜀將吳友仁餘

發戍徐州

降虜朶的等叛討斬之

修京師城垣

作諸王宮殿頒圖佚農隙

給公侯佃戶三萬八

千餘戶

十一月丙辰祀圓丘

執事官皆給新衣

免西安

王府田租

真臘入貢

召魏觀宋濂為禮部主事

命各屯田三年後每畝收租一斗 官吏犯賊罪

者勿貸 郭英私占役卒切責宥之 都司官不許

世襲 定所管遊軍降罰之例 定功臣祖父封爵

及官軍士優卹之例 十二月二日辛巳命鄉試舉

人免會試悉起赴京用 更定釋奠祭器禮物 戒

勲臣禁戢佃戶 戶部奏天下府州縣官數 府一百四十一

官八百八十州一百九十二官五百七十二縣一千三百官三千四十一 定文武官祖

父封贈之典 尚書朱守仁廉察山東官吏 禁南

北冒籍 方國真游民充船戶者凡十一萬一千餘

人隸各衛 貯茶易馬西番 辛卯賞平蜀將士以

傅友德廖永忠爲首湯和楊璟朱亮祖趙庸不賞

宥漢中知府費震 嚴出海之禁 定官民揖拜禮

收開平王叅隨皆授京衛百戶 故元施南宣慰

使覃大勝兄弟來降 革僧道善世玄教二院 魏

公還京師 辛丑夜太陰犯房第二星

洪武五年壬子正月巳酉朔設王府三護衛衛五千戶

所及園子手二所 瑣里國王來貢 虜寇汾州敗

之擒八百餘人 犯罪謫南海者俱鳳陽屯田 癸

丑待制王禕偕蘇成諭雲南

成北平送至稱爲北使者禕被留見殺

辛酉建蔣山法會三日 壬戌瓜哇暹羅蘇州國來貢

甲子楊載招諭琉球 捕斬宜君縣羣盜 賜魏

公等交趾弓矢 饗陳理明昇于高麗 各宜慰司

俱來朝貢 戊辰定武選之法 己巳命 皇太子

秦王祭 皇陵 魏公爲征虜大將軍出中路曹公

左副將軍出東路宋公征西將軍出西路各五萬騎

靖海侯吳禎以舟師運糧遼東 衛公爲征南將

軍征湖貴洞蠻 五色雲屢見 二月己卯朔討潮

州盜平之 移兩淮鹽運批驗所于儀真并漕運河

癸未臨濠府火 安南朝貢以署名有異却之

時陳

叔明通死 日懸自立

蜀陝西逋欠鹽糧 置四川都轉運鹽

司泰州茶馬司 京師火屢發 禁告江西陳氏周
氏軍者 凡一家父子兄弟從軍者免其父兄 各
府州縣建申明亭 三月戊申朔悉免京師居民差
役 將官子弟年幼者入國學稍長隨朝叅 重定
官民相見禮 置金筑程耆長官司以上酋爲之
庚申以魏觀爲蘇州知府 丁卯都督藍玉出塞擊
敗王保保 庚午平澧州洞蠻 辛未定 車駕出
入清道迎送回避禮 高麗賀平夏請遣子弟入國
學許之 山東旱災賑之 四月戊寅朔廣東西盜
起悉平之 命淮頂國師仍舊號招撫朶甘 詔天

下舉行鄉飲酒禮 衛公討散毛等三十九洞悉平

之 更定品官命婦冠服制度 五月丁未朔命各

司置齋戒牌 壬子大將軍兵至嶺北戰不利欽兵

守塞 戊午夏至祭方丘 以旱命官中蔬食是夜大雨 倭寇海

鹽 募商人永平衛納米中鹽 建昌王溥上言山

巖歌聲事 六月丙子朔置中都兵馬分司 定宦

官禁令官宮女職之制 宋公馮勝穎川侯傳友德

出甘肅大捷降其將上都驢 選民間婦女通曉書

數願入宮者四十四人 年未二十者三十人賜金遣還止留堪任者十四人

置遼東金蓋復三州 倭寇寧德縣 自甲申至丁

亥太白晝見 賜京民戶各絹一疋 癸巳定六部
職掌歲終考績行黜陟 定公主府第及官民婚喪
儀物內命婦冠服之制 國子監官滿三考者加史
秩仍任 立養濟院 江陰侯吳良平會同縣蠻寇
癸卯句容民獻嘉瓜二同蒂而生 上自爲贊賞
獻者 温州逐倭破之 何真收廣東舊部三千五
百餘人 造紅牌鐫戒諭后妃之辭懸于宮中 曹
公追虜至稱海力戰相持虜遁去乃還 宣寧侯曹
良臣等戰沒 中都皇城萬歲山雨雹 度四川田
作鐵榜申戒公侯 七月四日巳酉五色雲見四

日 丙辰湯和兵至斷頭山遇虜戰不利指揮同知

章存道死之

溢之子也

曹公以所獲故元官屬子孫及

軍士家屬送至京師

京師風雨地震

詔戶部經

理功臣田土

高麗貢馬因奏耽羅國恃險遠不朝

貢秀蘭山多逋逃乞發兵討罪璽書令審度而行

書諭故元國公白鎖住

八月乙卯朔定郊祀 皇

太子留官中居守

宣慰使霽翠請計所部瓏居不

許 罷天下進賀

聖節冬至表箋

大造海船禦

倭 丙戌申明誠諭書成頒天下

河南獻白兔放

于野

定夕月儀與朝日同

武官謫降者悉赴京

錄用 北平山西魏運先以銀易米 征南副將軍

吳良等平五開諸蠻 凡二百二十 倭寇福寧縣 平

陽指揮僉事張祥追胡戰于古銅山被執 建開平

王常遇春祠于北平 明州衛指揮僉事張億討倭

中矢卒 胡兵侵雲內 突入州城同知黃理與戰死之援兵至解去 九

月乙巳朔修 太廟 上親祭告并祭土神 南海

盜黑鬼作亂討斬之 造護駕先鋒金字牌 遼陽

降將高家奴等至京 征南副將軍周德興討婪鳳

安田等洞蠻悉平之遂克泗州城 罷石隴定海宣

課司 已有海禁故也 太原府陽曲縣地屢震 停賀 聖

壽節

并諭止高麗自是
節齊居素食不受朝賀

詳定犯賊赦格

占城入貢

十月甲戌朔復置龍虎衛于浦子口

收集武昌新軍五千四百餘人

雜犯死罪輸作臨

濠定各樂舞生冠服之制 申高麗三年一貢之

命

方物止
布十疋

宋公自甘肅班師至京 存恤驛傳馬

夫 蠲應天等五府秋糧 十一月甲辰朔 文武

官奏對者各從班次不得撓越 建公侯第宅乎中

都

六公二
十七侯

討平化州石龍縣蠻寇 征南將軍衛

公等江陰侯吳良靖海侯吳禎江夏侯周德興俱還

京 庚午將旦熒惑犯鉤鈴 同安縣盜伏誅 納

哈出寇遼東

燒糧千餘萬石
殺五千餘人

詔徐李二公以天寒

還京令士卒分住山西北平等處 十二月甲戌朔

敘征南功 罷京師浚濠及臨濠作役 庚辰省府

臺各置銅匱藏 聖旨及奏事簿籍 甲申太白晝

見 丙戌定遠等衛火 侍郎魯卒 增設四川

永寧茶局 復以主事宋濂爲贊善大夫 加封皇

姊隴西長公主爲曹國太長公主駙馬都尉思親侯

李貞爲曹國公 給僧道度牒免輸錢 庚子詔造

獨轅車

停飼虎豹及它禽獸

虎豹送光祿寺
餘皆殺之

上菴

邀烏斯藏貢物衛公爲征西將軍討之 琉球隨楊

載入貢

吳順黜定遠衛指揮使

尋復

再書與元幼

主并與元臣劉仲德朱彥德

築太同城

洪武六年癸丑正月癸卯朔福州温州盜平

造沿海

多櫓快船

廖永忠之奏

守令來朝賜酒饌戒諭之

魏

公曹公山西北平練兵

尋召還以陸仲亨何文輝代

胡廷美收

集江州沔陽舊將士凡萬四千餘人

羣經類要成

取諸經要言以恒言釋之使人通知仍手釋二章以式

丙午

上御武樓召

賜陳寧宋濂甘露漿

甲寅以舉人張唯王輝等爲

編修人文華堂肄業詔宋濂等爲之師

上親品其

優劣每食

皇太子親王迭爲主

黜右丞相汪廣

洋為廣東叅政

甲寅

上作春光記

述對時育物勤政圖治勉

學之意

丙辰免工部尚書黃肅笞罪

上以六卿之長不宜加辱得以

傳

定教練軍士律

擇國子監官

立西寧衛以

朶兒只失結為指揮僉事

免江西沮壞鹽法商民

死罪輸作臨濠

二月置烏斯藏朶甘衛指揮司宣

慰司二

海賈獻番香阿剌吉却之

即舊

暫停科

舉令舉通經博古才德兼全之士

四川蠻酋叛討

平之

辛巳更置羣牧監于滁州

秩從三品尋改為太僕寺

安

南陳叔明來謝罪

令以前王甲視事

禁教坊及天下樂人

勿得以古先帝王聖賢忠臣義士為優戲

定救日

食禮 增築國子學舍 濬上海縣胡家港通海船

城潞州 胡寇永平殺遷安知縣及二指揮 旌

龍游縣民夏文昭四世同居一門三節 興山縣盜

平 庚子出禮刑尚書陶凱吳雲爲叅政 牛諒爲

禮部尚書 三月癸卯朔日食 昭鑑錄成頒賜諸

王 己巳定設給事中十二人秩正七品分六科

戊申閱武教塲 壬子魏公曹公宋公備邊 甲寅

德慶侯廖永忠運糧遼東 壬戌薨臨濠城 陞蘇

州知府魏觀叅政尋遣還郡 釋衛卒王昇罪還家

父親 戊辰日交暈 庚午會計京師軍糧官俸月

支米二十五萬五千六百六十石有奇 四月壬申

朔興寧夏黃河迤北及四川西南屯田兼行中鹽之

法 設戶部照磨二人 分蘇州糧二十二萬石由

海道運至定遼北平 定開國功臣已沒者謚號

元臣福壽仍舊贈致祭 境內山川各省自祭惟甘

肅新附祭于京師 戊子以孔克表爲修撰兼編修

溫州人孔子五十五代孫 各行省繪境內山川關隘道里物產

以進 重刻律令憲綱頒諸司 華雲龍上諸關防

守事宐行之 五月壬寅朔 祖訓錄成 上親爲

序言其書揭西廡朝夕詳覽首尾六年凡七謄稿至

是方定 定公侯以下家廟禮儀 造渡淮浮橋

六月辛未朔修築京城 定六部諸司設官之數

中都皇城成 盱眙進瑞麥命薦宗廟 虜寇武朔

等州臨江侯陳德帥罷置遼陽府縣 七月庚子

朔御史中丞陳寧領國子監事 魏公分諸大將備

西北討殘胡 添給省府臺官祿 倭寇山東 壬

子胡惟庸爲右丞相 胡寇白登縣擊敗之 大將

軍自北平往山西 八月庚午朔胡兵寇蔚州河州

等處 儒士桂彥良爲太子正字 學士承旨詹同

等上孔廟樂章 奪劉基俸一月釋奠不與祭受胙以後不與祭者不

致 指揮常守道等破虜于天池山斬其左丞忽都

等 宣慰使禹翠位居各宣慰之上 凡指揮沒于

戰陣者皆賜公田 臨江侯陳德等破虜答剌海子

口 建歷代帝王廟于京師 後以文王守臣節唐高祖無創業功不設

川貴減鹽價納米 更定親屬相容隱律 襲封衍

聖公孔希學來朝 禮部致儀仍賜物九月許歸養銀百兩特帛各五匹宴光祿寺翰林

官錢 度僧道九萬六千餘人 指揮王約襲虜平

章定定養之 考五輅制度 徙朔州民于內地

都督府奏內外軍衛一百六十四千戶所八十四大

小武官一萬二千九百八十人 胡寇未滅勅問大

將軍 占城敗海寇進貢并獻俘優賚之 九月己

亥朔編起兵以來日曆 南直隸浙江江西今歲糧

稅悉代以綿布 定散官資級誥命制度及常朝班

次奏事禮儀 甲辰設戒飭版榜于午門并省府臺

門 丁未更定有司申報庶務法 重建雞籠山功

臣廟成 禁四六文辭 乙卯命諸司常事奏 皇

太子重事乃奏聞 戊午鑄太和鐘成

建樓縣于圖
止齋宮之東

庚申歲星犯鬼宿 改臨濠府爲中立府

徙邊
民入

十月己巳朔賜弘文館學士胡鉉還鄉 各

番僧帝師之裔領南監藏等乞名號護持許之賜勅

及文綺已賜玉印者不許 辛巳暹羅斛國土進表

中宮却之

後再貢

却高麗貢馬賜璽書責之

馬五

亡者二使私補詰之云進

東

真臘入貢

文武

官犯杖罪二次者錫宴不得上殿及內庭 考前代

設立內官之法

置內正司設司正司副各一人正從七品司其事尋改爲典禮司又改爲

典禮司

十一月戊戌朔流星起內階北行至文昌

光照地三鼓復如前自紫薇至北斗第三星沒 修

聊城縣顓頊陵廟

占城破安南兵告捷

大將軍

破胡兵于三角村擒其武平章康同僉 民間養官

馬一者免田租五石

立元世祖廟于北平

定國

丘喬崇禮 大輅成 停潞州貢人參太原貢蒲萄
酒 丙寅冬至 上不豫改郊期于閏月 閏十一
月戊辰朔陞已沒功臣子孫應襲者二百九人 壬
午祀園丘 定品官家用祭服公服 田儼使緬國
道梗召還 復定祭祀齋戒禮 沿江蘆場聽軍民
採用 刑部尚書劉惟謙詳定大明律頒天下 壬
辰夜太陰犯心 孝節二人 十二月丁酉併僧道
寺觀每府州縣止存其一及禁女子爲尼 置臨清
倉貯轉運糧儲 以胡寇徙撫寧縣于內地并罷瑞
州 開設四川貴州土官諸司 乙丑雨木冰 三

佛奔國入貢

洪武七年甲寅正月丁卯朔令六部官毋得輕調

有年勞者

就本部
歷用

益中立府屯兵

詔都督僉事王簡王誠

李伯昇往彰德濟寧真定統兵屯田

靖海侯吳禎

出海巡捕

定王府前殿曰承運中曰圓殿後曰存

心四城門南曰端禮北曰廣智東西曰體仁遵義

釋成安縣縣丞唐珣于獄

教禁三年
上書得出

陞繁峙縣主

簿虞文采爲大同知府

上言山西官吏
不法事得實

曲阜知縣

孔希大當逮問釋之

爲人所計以
聖旨得免

禮部尚書牛諒

進歷代帝王像凡十七

節婦四人

二月丁酉朔

日食 貴州兵大破蠻寇 詔 皇太子率諸王詣

閱武場祭旗纛 日中屢有黑子 修先師廟及祭

器其田產荒蕪者蠲稅設孔子顏孟三代子孫教諭

選直省舍人 擬建閩江樓停之 定掾吏令史

考滿資格 三月丁卯朔 勅大將軍分布各邊屯

種 播州田稅隨所入不爲定額 停蘭州民著沙

賞賜 其兄買的叛立賞格購之普沙等斬之來獻

止以兄固有罪弟手刃垂天倫停賞止給馬牛 轉漕粟下陝西 壬辰方國真卒 令遠國世一

朝高麗三年一聘 世朝從便 節婦九人 安南陳叔明

請以弟熾權國事許之 召湯和鄧愈郭子興還

四月丙申朔都督藍玉等攻拔興和 桂陽蠻叛討

平之 壬寅太陰犯軒轅 置錢冶所官凡一十三

所 雷州民構海賊作亂討斬之 詔江南諸府無

水路可通者以金銀錢布代輸 葺高陽縣高辛廟

致祭 曹公掄元平章太尉 魏公進元俘五千餘

人 宋公衛公等復鎮北邊 十二月召還 召汪廣洋爲

左御史大夫 諸將屢獲故元官屬兵馬 塞外夷

人皆遷內地 上元縣民史廣妻李氏一產三男給

錢六千孔之 後爲 癸亥稅民瓜果者罪之 五月

丙寅朔大明日曆成 詹同宋濂等更請輯 聖政

為書曰

皇明實訓許之

高麗人貢詰之

中云禮送大府

監此元舊名國朝無之諸其不試

賑蘇州饑民

用米穀三十九萬

修

太廟

禮部尚書牛諒請大祀致齋用周禮日宰豕

進膳不許

減蘇松嘉湖極重田稅之半

每畝原七斗五升

以旱祈禱大雨

學士承旨兼禮部尚書詹同致

仕

六月乙未朔五色雲數見

日本入貢

以無表文却之

復以詹同為學士承旨

按指揮僉事陸齡罪

海運

覆舟四十餘艘溺死七百餘人失糧四千餘石不以實聞

命功臣廟祀各指揮

于兩廡

仍註姓名于籍

戊午立

皇陵祠祭署以江文為

令劉英為丞世襲

汰北方州縣官

九三百八人

命詹

同議分獻禮上行禮科舉即行分獻仍罷上香

西域諸國來貢

癸亥召華雲龍于北平道卒 七月甲子朔議增園

丘方丘從祀更定其儀 曹公出塞破虜大獲而還

丙寅太陰行太薇垣中 倭寇膠州海州擊敗之

置西安行都指揮使司于河州以韋正掌之 李

存義為太僕寺丞二子佑仲為羣牧官 陞朶甘烏

斯藏二衛為行都指揮司即以夷酋為都指揮同知

等官俱韋正所轄 西番獻蒲萄酒却之 辛巳 皇第

十三子桂生惠妃郭氏出 庚寅太白晝見五日 給諸

司典吏米布 牛諒以怠職降主事尋復十二月罷 八

月甲午朔躬祀歷代帝王于新廟 申定兵衛之政

詔諭雲南

故元威順王子伯伯往

改中立府為鳳陽府并

立縣 擢郭傳翰林應奉

本釋氏家諱為其文上嘉之授官遷奉功承

辛丑侍郎茹太素言三事

一檢舉卷宗一增磨勘官吏一在外會議繕送板察

司糾舉

賜故元臣禿魯及乃兒不花書

存卹已

故武官之後

增宛平驛馬

詔諭大理

定祭祀

日期

增列侯食祿

御史答祿與權請行諦禮祀

所自出之帝議寢

九月癸亥朔李思齊卒

妾鄭氏絕死

自烈貞

革浙福廣東三市船司

罷信寶司置寶鈔

提舉司

遣崇禮侯買的里八剌北歸厚賜仍與其

父愛猷識里達臘書 己卯翰林院奏進回鑾樂歌

改諸王相府叅軍爲長史 庚寅貴妃孫氏薨

燕山四指揮出塞防秋戰死 十月癸巳朔定授散

官資格 置秦州河州茶馬司 己未 皇嫡孫雄

英生 十一月壬戌朔孝慈錄成 有 納答出復寇

遼東敗去 頒祭嶽鎮海濱儀于所在有司 甘露

降于鍾山劉基作頌 洪武四年十月降于鍾山十一月又降今年仍降如初

下詔分別應赦諸人 杭州軍士章憲言鹽法事宜

卽陞鎮撫理其事 官吏有罪發鳳陽屯田者皆召

還授職 罷四川茶鹽運司 壬午太陰犯軒轅左

角 令儒士于諸司習吏事給文綺衣 十二月壬

辰朔西番諸國來朝因地授官有差 鑿石灰山河

甲辰御註道德經成有 免收方氏溫台明三郡

舊兵

上遣靖海侯吳祿往收寧海縣知縣王士弘以
惡少乘機誣良善上封事 上嘉而寢之士弘

潯州人

侍郎李浩使琉球市馬

洪武八年乙卯正月辛酉朔再汰四川冗官 功臣廟

增祀華雲龍李思齊等一百八人 有司訪窮民無

告者給衣糧屋舍 赦山陽縣民代父受杖者 以

故元降將項納兒加爲治書侍御史 酣飲奪濟寧

侯額時六安侯王志倬仍諭大將軍禁約 洪武聖

政記成

自欽天至初望
夷益爲五卷

分諸大將練兵屯田開衛

戍守

廣東盜陷會同縣討斬之

丁亥命天下立

社學

河決開封府隄

二月辛卯朔外夷山川附

祭各省山川之次

免雜犯死罪輸作終身

解限年
吏犯賊

屯
種

製陪祀官入壇牙牌

重定頒賜及迎接詔諾

儀

御製資世通訓成

有序

召大將軍副將軍還

申明馬政

三月辛酉朔造大明寶鈔

置行用庫

復計均工夫役

癸亥熒惑犯填星

皇太子諸

王祀

皇陵

高麗王王顥卒使來告哀

選國子

生分教北方

詔有司考滿無農桑學校實效者以

違制論 立張巡許遠廟于歸德州 置中都國子

學 甲申德慶侯廖永忠卒 免天下馬夫田租

洪武正韻成 先是上召翰林侍講學士樂韶鳳宋濂等曰韻學起於江左殊失正音有獨

用當併爲通用者如東冬清青之屬有一韻當折爲二韻者如虞模麻遠之屬若斯之類不可枚舉卿等

廣詢刊定之至是書成勅宋濂爲序 四月庚寅朔改建奉先殿行祭

享禮 除衛卒李彥才兵藉 漳州人與于添祿相失二十餘年添祿以薦爲

稅課副使求得之請侍養見許仍除其籍 頒御註道德經及玄教儀

辛卯 上幸中都蹕滁州 遣官祭滁陽王廟 皇

太子攝太廟方丘祭 壬辰 上祭告天地于中都

吉將建都 乙未詣 皇陵祭 仁祖忌辰 節婦八人

遣官祭常忠武王 曹公祭外祖楊王 辛亥祭

淳后忌辰 丁巳還京 罷中都役作并停遷都

之議 賜六部尚書各省叅政公田祿米各一百石

丁巳誠意伯劉基卒 五月庚申朔內使趙成往

河州市馬 召吳伯宗為助教 先以剛直為胡惟庸所擠貶鳳陽至是召

還使安南獲 朱亮祖同傳友德備胡 減漢中租

從聽墾田 會事虞以文之奏 六月己丑朔 定安南三年

一朝貢 以李擴等為御史 初教國子生于文華武英二堂號曰小秀才學

成授官擴尋改給事中兼相府錄事 七月己未朔日食 以孔克伸

為曲阜知縣賜勅遣之 辛酉改作 太廟 先在皇城東北

至是改于承天門左同堂與室

曹公往山西北平

殿東西為兩廡前為櫺星門

代還傳友 許百官父母喪不待報即歸 國子生

德朱亮祖 未娶者給錢婚聘女衣二襲廩月一石 辛未翰林

侍制王傑致仕 甲申定五祀之禮 八月戊子朔

己亥勅太師李善長等勸督農事 故元將王保

保卒

妻毛氏 自經死

開登州蓬萊閣河 九月四日辛酉

改建大內宮殿 戊辰湖廣行省叅政吳雲使雲南

未至被殺 故元將張致道數犯邊捕斬之 賜宋

濂醉學士歌 甲申召湯和等還京 十月丁亥朔

築鳳陽 皇陵城 丙申遷鳳陽府治十臨濠新城

壬子 皇太子諸王遊中都講武 詔天下所設
各都衛並改爲都指揮使司俱隸大都督府 考議
陵寢朔望節序等禮 浚涇陽縣洪渠堰 十一月
丁巳朔考大祀登壇脫舄之禮 甲戌甘露降南郊
增設六部官 十二月丙戌朔陝西民有妖言得
天書惑衆者斬之 京師地震 糧長雜犯死罪及
流徙者杖之仍掌糧稅納銅贖罪 潮州守將李德
捕倭逗遛坐誅 起叅政陶凱爲祭酒尋致仕 納
答出寇遼東守將馬雲堽擊大破之擒其驍將乃

刺吾

輝爲
鎮撫

洪武九年丙辰正月丙辰朔以勲臣子有才者爲散騎

叅侍舍人

凡一百四十四人

上告祀國丘

以諸王將就國也

定王

國禮樂并祭祀之制 前御史焦普等三十三人爲

王府官 起鳳陽屯田官吏五百餘人量才用之

諸神壇壝殿成

上親告祀

壬午冊魏公長女爲燕王妃

中山賴川二侯延安防邊 二月乙酉朔定諸王

公主歲祿之數 己丑泰安州得玉簡十六

宋真宗祀泰山

后上文仍命瘞之

歲星逆行入太薇犯左執法 辛丑秦

晉燕等六王往鳳陽觀祖跡辭陵以行 太白晝見

五日 三月乙卯朔置同文局 免山陝及各處糧

稅 召見方孝孺宴禮部 都指揮常守道破虜

賀州屯軍作亂討斬之 四月甲申朔刑部侍郎李

浩還自琉球 日本來貢且謝罪

先屢寇沿海郡縣
命中書省移文責

之故以 仍再賜詔責諭之 各處稅糧許銀鈔錢絹

代輸 癸未以火你赤爲翰林蒙古編修更姓名曰

霍莊 定武官誥勅之制 加贈戰沒功臣趙德勝

等七人封號 京師自去歲八月不雨至是月庚戌

始雨 五月甲寅朔禁秦蜀軍民入西番互市 議

喪服之制 故元國公九住寇陝西擊敗之 工匠

乘危負重死者給棺國子生護送復其家祭葬 六

月甲申朔大都督府同知何文輝卒 以宋濂爲翰

林學士承旨知制誥兼贊善如故 戊子客星見天

倉至七月
乙亥沒 巳丑勅魏公捕虜 甲子詔改各省行

中書省爲承宣布政使司布政使一人左右叅政各

一人 巳亥重建奉先殿工完奉安
祭告 召還岐寧衛

經歷熊鼎中道爲
虜劫殺 錄用武官子弟遺棄者 七月

癸丑朔日食 壬戌太師李善長子祺尚皇長女臨

安公主 甲子立倒鈔法 以監察御史王僊等一

百二十三人爲知府知縣等官 免蘇松嘉湖租三

十萬石 伯顏帖木兒入寇潁川侯大破之餘衆縛

之以降

誅樂平刀民

誣大姓五十家者

八月癸未朔以

吳印為山東布政使

本釋氏以才復姓用之

遣官祀歷代帝

王陵寢

仍修葺防禁

虜寇河州擊却之

九月壬子朔

召秦晉燕王還自鳳陽

御史大夫汪廣洋陳寧劾

太師李善長赦不問

戊寅

皇第十四子模生

金星犯上將

璽書勞福建叅政魏鑑瞿莊

以答教奸吏

故元太尉神保等來降

閏九月壬午朔災異詔

求直言

丙午海州學正曹秉正上疏

上嘉之召

赴京師授官

秉正南昌人後為通政使十五年冬以作聰明探主密切責免歸甯四歲女為

行資 上聞 怒下磨刑

訓導葉居升上三事下獄

罷弘文

館 十月辛亥朔 巳未新太廟成奉安神主 德

祖帝后南向三祖帝后東西向 先各立廟至是同堂

有定位木牌功臣侑于西初無定位紙牌 四川黃平等處寨蠻悉平

釐正律條 諸王練兵鳳陽 十一月辛巳朔徙山

西真定民于鳳陽屯田 斬水縣民王燾七世同居

旌其門 節婦五人 西域獻良馬 戊申靖江王

就國 十二月庚戌朔頒建言格式令直陳得失無

事煩言 茹太素言五事冗長故頒 定諸司官以九年爲滿 放

故元官蔡子英歸塞北 沐英詣開陝至熙河問民

疾苦

洪武十年丁巳正月庚辰朔宋濂致仕 丙戌工部奏

差張致中言三事

一選用御史一立常平倉一開北方荒田

上嘉之擢

宛平知縣

罷將作司思文監

命吏部聽選者早

與銓注賜道里費給舟車送之著爲令

安南陳瑋

攻占城大敗被殺

高麗爲故王王頴請謚號以弑

立不許

二月己酉遣官祭歷代帝王及先農

皇

第十五子植生

妃韓氏出

蘇松浙西大水賑之

御史

十三人分巡山東等處

白虹貫日

三月己卯朔

國子助教錢宰致仕

凡官員已故者免其家徭役

三年

復薛顯所減之祿

四月戊申朔鄧愈爲征

西將軍沐英副之討土番 故元安定王卜烟帖木

兒爲其下所殺

由先指揮沙利殺之復爲安定王子板咱失里所殺失里尋亦被殺

五月戊寅朔覈戶糧州改爲縣者十二縣併者六十

靖海侯吳良仍海運遼東 糧長萬石以上者增

副長一人 許邊民團結防虜 曹公往鳳陽視師

尋同韓公議軍國重事 鄧愈追土番至崑崙大捷

戶部主事趙乾以賑濟遲緩誅 縣丞王基乞發

山海寶藏及禁職官言事黜之 遂內臣言及政事

者

并附羣臣
決去之意

六月丁未朔定各道按察司各府首

領官資格 革磨勘司 鄧愈報捷班師 令大小

政事先啓 皇太子處分然後聞奏 長子縣稅課

大使康有孚上三事嘉納之一重學較二褒忠良三文武並用 大

臣韓魏兩公而下十八人分祀岳鎮海瀆 七月丁

丑朔 殺山東副使張丁 甲申置通政使司 給

諸司散官 劉璉爲國子監丞基之子 遣御史巡按

州縣 北平等八府大水 淡巴國入貢 八月丁

未朔 庚戌改建園丘合祀天地曰大祀殿 辛亥

置寶泉庫 選武臣子弟入國學讀書 改建社稷

壇在承天門之右 定官員儀從 免浙西被水田租 九

月丙子朔 占城暹羅斛國來貢賜詔諭之 轉右

丞相胡惟庸爲左汪廣洋爲右丞相陳寧丁玉爲左

右御史大夫 監生分教北方者俱召還擢用 十

月丙午朔 社稷壇成行奉安禮升上祀奉 仁祖

配 壬子觀心亭成 宋濂來朝 己卯焚惑犯輿

鬼 良家子弟充驍騎舍人者悉放還 封沐英西

平侯 賜百官公田 遣使立三佛齊國王 大內

宮殿成制度皆如舊稍加增益 十一月乙亥朔 宥天下罪

人犯杖一百以下者 己卯 皇第三孫允炆生建文

皇帝 瓜哇國入貢 衛國公鄧愈卒 丁亥冬至合

祀天地于奉天殿 宥江夏侯周德興有罪當下獄上特赦之因

詔諭將相大臣善自保持

四川土酋董貼里叛丁玉為平羌將

軍討平之 諭新除有司官 十二月己巳朔日食

丙午諭太師李善長等自今政事啟東宮者大臣

更為參決可否 錄死事及病故功臣子孫五百一

十人授指揮千百戶有差 戊申置神宮監掌太廟

設之事 甲子夜白虹貫月 是月各道按察司官來

朝諭以風憲盡職 高麗五入貢 上皆不納以嗣王為人

省往觀虛費

洪武十一年戊午正月甲戌朔封皇子椿蜀王栢湘王

桂豫王模漢王植衛王改封吳王楠為周王 己卯

進封中山侯湯和爲信國公 皇第十六子楠生

丁亥雨水冰 安南國使來告哀遣中使祭弔 徵

天下布政司官及各知府來朝 二月甲辰朔 議

減鹽價 浚渰沱河 皇太子祀 皇陵 東平侯

韓政卒 指揮胡淵平茂州蠻立衛守之仍會平羌

將軍丁玉征松藩等處 三月癸酉朔分考績官爲

三等稱職而無過者爲上賜坐宴有過稱職者爲中

不坐宴有過不稱職者爲下不預宴立于門宴者出

方退 壬午秦晉三王之國 太宗周楚齊四王還

駐鳳陽 太子正字桂彥良爲晉王右傅 俘四川

茶洞獠悉宥之 丁酉始製牙牌給文武朝臣 定

賞賜軍士節錢恩例 禁奏事開白中書省 四月

癸卯朔 重建 皇陵碑 上親製文勒之 元嗣

君殂于沙漠 子脫古思帖木兒立 五月壬申朔 皇第十七

子權生 癸酉編纂春秋本末 類分列國附左氏傳之後首周次魯先晉

齊後吳楚 定天下歲造軍器之數 免蘇松嘉湖逋租

六十五萬有奇 宥廣東左右叅政劉益康濟 書以國子

生侍諸王學于文華堂者 河州指揮徐景破虜 六月辛丑朔

遣使祭元嗣君 後又再遣 五開洞蠻作亂殺指揮僉

事過與遣楊仲名帥師討之

七月三日辛未 皇第四孫高熾生是爲 仁宗皇帝

丁酉禁誦戍人不得上封事 以茶紙衣服往寧東

市馬 詔諭故元丞相驥兒于應昌 蘇松台楊海

溢賑被災者 八月庚子朔 免應天太平鎮江廣

德諸府州秋糧 諭納答出 九月庚午朔御殿受

曆 收安吉侯陸仲亨公田奪汝南侯梅思祖俸赴

達 已丑客星掃天非西南行至十月己未陰雲不

見 丙申追封劉繼祖爲義惠侯 捐地葬仁祖帝后

永寧下池賊作亂討平之 賜助教貝瓊致仕

十月二日辛丑改太原府城隍爲晉國城隍之神 各

如庚戌駙馬都尉曹國公李貞薨以悔殿爲駙

馬都尉尚皇第二女寧國公主大祀殿成十一

月庚午朔五開蠻平西平侯沐英討西番皇

太子妃常氏薨臨江侯陳德卒賜丁憂知府李

亨米鈔治蘇州勦廉十二月己亥朔除蘇松杭嘉湖

魚課學士宋濂衍聖公孔希學來朝衍聖公例有下程濂特賜

勅慰勞禮部致廩米酒備僧宗泐等使西域辛丑太白犯壁

壘賜前廣西布政使臧哲米鈔仍令服闋來朝自是

以喪去官者皆有賜庚戌辰星犯南斗遣高麗使人還勅

諭之責以核詐及殺使人之罪諭故元丞相哈剌章等擒元

平章完者不花

見部局
送還之

補遺

四年二月以大同遭亂空虛撥山東糧十萬石運至平定州山西接運至府并附近太原保安諸州縣稅皆以濟之又起蔚忻崞三處民丁與軍士協力修浚城塹 寶源局所鑄大中洪武通寶大錢皆鑄京字於背其後從省民間以二等大錢無京字者不行故命改鑄爲小錢以便之 賜在京軍士十四萬三千二百餘人錢各三千六百文 遣官往廣東買耕牛

給中原屯種之民

後道死者
俱免償

八月宜春侯黃彬捕贛州山寇平之

高州海寇何

均善聚衆數百人爲患業已捕戮餘黨羅子仁等遁
去復劫奪府印逼通判王名善從已不屈執至霞洞
新營遇害雷州衛遣千戶黃清領兵禽子仁等三百
餘人斬之

十二月改貴州衛屬四川

舊屬湖廣以
水路遠改之

五年六月夏至祭方丘還官

上諭

皇后妃嬪曰

方農時天久不雨秧苗尚未入土朕甚憂之汝等宜
皆蔬食自今日始候雨降復膳是夜大雨水深尺餘

皇后具冠服以賀

六年四月置御藥局于內府尚藥奉御等十二人俱
內官內使克之太醫官四人考選克之凡御藥醫官
就局修製太醫官診脉御醫叅看較同約會奉御
就內局將藥貼連名封記具本開寫本方藥性治證
之法於日月之下醫官奉御書名以進置簿曆一用
中書省印記烹調御藥太醫官與奉御監視每二服
合爲一服候熟分爲二器一器御醫先嘗次院官次
奉御其一器進御

崔文昇李可灼
得免罪可乎

七年六月日本僧宗嶽等七十一人遊方至京上

諭中書省曰海外之人慕中華而來令居天界寺人
賜布一疋爲僧衣

八月北平副使劉崧言宛平驛當要道而驛馬之數
與僻地同宜增 上可其奏顧侍臣曰驛傳勞逸不
均甚爲民弊崧以爲言民獲惠矣朕一身任天下之
事聞見計慮豈能周徧爾等體此竭心爲朕訪察民
間利病何事當行之毋爲容默保祿而已

八年三月中書省奏大都督僉事吳復曹興謝成例
應給公田米一千石吳復先任指揮已賜公田二百
石今請以八百石益之 上以曹興居大同時多不

循軌度調福建又受王駙馬賂謝成在山西擅奪民利惟吳復祿如請興成二人不給

九年正月山東行省言遼東軍士冬衣每歲秋冬運送時多逆風艱於渡海宜先期於五六月順風之時爲便戶部議爲方今正擬運遼東糧儲宜附運綿布二十萬疋綿花一十萬斤順風渡海爲便從之勅遼東將士曰納哈出以塞外餘寇越我遼蓋二城直犯金州是時州城未完戍卒寡少指揮韋富王勝保城却敵又出奇獲彼裨將與將較軍士宜膺上賞蓋州城池雖完然彼衆我寡若無素備豈不爲彼所乘

指揮吳立張良佐房嵩按兵堅壁備禦多方可謂能
守因能挫敵及敵自金州北歸諸將士又能阻關塞
監晝夜戒嚴敵不敢復向故道自析河遁去又從都
指揮葉旺追擊俘斬甚衆較之金州將士功差居次
賞亦如之旺又與都指揮馬雲同心協力一出守
皆爲得宜旺雖居佐貳躬率將士衝冒險難應變出
奇敵人失勢追奔逐北可謂智勇兼濟宜膺上賞雲
居首職選精銳助旺成功亦其能也然坐守北之出
戰稍安宜膺次賞於是賜葉旺文綺帛各十八匹馬
雲各十三匹金州衛指揮各八匹遠蓋指揮各五

匹餘以次減至一帛一布陣亡者倍之

雲狂戰功見本傳甚偉其

難易次第 賜勅更明功
賞如此孰敢不效死力乎

五月 上以登萊二州皆瀕大海爲高麗日本往來
要道非建府治增兵衛不足以鎮之遂割萊州文登
招遠來陽三縣益登州爲府置所屬蓬萊縣復以青
州府之昌邑卽墨高密三縣補萊州府

六月陞彭州知州胡子祺爲延平府知府子祺吉水
人洪武三年以儒士舉赴京試中選者十九人桐廬
魏潛王訥河西李顏永豐丁節永嘉許士宏萬安夏
瓚樂清李時可衍輝陳士舉龍泉劉谷蕭暉合肥夏

起瑞安馬爲漢分宜劉沂平陽孔希晉永新歐陽子
韶太和王子啟安福歐陽楚廬陵胡伯清與選列適
太史奏文星見 上嘉十九人皆擢監察御史子祺
首上書請都關中 上稱善

見開國傳卽胡壽昌

七月雲南人苟德祖仕元世襲邛部州六蕃招討使
明氏據蜀德兄安復爲黎州招討使明氏亡夷民潰
散德奉母還居邛部至是四川守臣招之德遂來朝
貢馬且請置官司 詔以德爲黎州長官賜印及衣
服綺帛 西域產一馬甚異 上遣使者諭其酋長
不得已乃陰傷其足來獻 上命典牧所善養之至

是馬齋來進 上爲良馬說復命儒臣爲文以述其事 役夫每每遁走遣衛卒巡視有二人伏草中卒意其役夫也叱之二人持杖起卒執其甲而乙前擊卒卒以槊刺之乙死甲始言二人亦邏兵非役夫也法司以闕殿殺人律論二卒當死 上曰衛卒夜巡詰奸職也乙不自言其實而反擊之故彼刺死卒亦何罪釋之而賜乙妻子鈔爲葬費

十年三月增置滁陽儀真香泉六合天長五牧監滁陽設群二十二儀真六合各七香泉八天長四俱隸太僕寺計牧種馬五萬七千三百八十五匹

十月瓊州府軍餉舊于廣東漕運涉海艱險募商入

粟給鹽

倉副使李德新之奏

十一年十一月初出西既平唯靖樂縣餘孽四大王遁入蘆茅山數出寇掠爲患千戶唐誠吉率兵於同瓦溝掾坊山捕其黨哈刺張送京師斬之至是復于寧化鎮築城設千戶所爲必滅之計尋上以急之則脅從者懼罪從之益堅寬之則各有身家一旦思其鄉土自當逃散於是罷兵但令山西諸處嚴備至二十一年四大王窮蹙詣晉王府降上以元之子孫宥之厚賜命隨沐英戍守雲南

大政記

卷三

三

皇明大政記卷之三終